



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის
ბრძანება № MOH 8 22 00000077

ქ. თბილისი

20/07/2022 წელი



„COVID-19-ის სამკურნალო მედიკამენტის „პაქსლოვიდის“ განაწილებისა და COVID-19-ის დიაგნოზის მქონე პაციენტებში გამოყენების წესის დამტკიცების შესახებ“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2022 წლის 29 მარტის N01-158/ო ბრძანებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის შესაბამისად,

ვ ბ რ ძ ა ნ ე ბ :

1. „COVID-19-ის სამკურნალო მედიკამენტის „პაქსლოვიდის“ განაწილებისა და COVID-19-ის დიაგნოზის მქონე პაციენტებში გამოყენების წესის დამტკიცების შესახებ“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2022 წლის 29 მარტის N01-158/ო ბრძანებაში შეტანილ იქნეს შემდეგი ცვლილება:

ა) ბრძანებით დამტკიცებული N1 დანართი („ნირმატრელვირ/რიტონავირის (პაქსლოვიდის) გამოყენება COVID-19-ის დიაგნოზის მქონე პაციენტებში“ გზამკვლევი“) ჩამოყალიბდეს თანდართული რედაქციით;

ბ) ბრძანების მე-2 პუნქტი ჩამოყალიბდეს შემდეგი რედაქციით:

„2. „ნირმატრელვირ/რიტონავირის (პაქსლოვიდის) (შემდგომში - მედიკამენტი) მიღებისა და განაწილების წესი განისაზღვროს შემდეგი სახით:

„ა) საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს (შემდგომში - სამინისტრო) სახელმწიფო კონტროლს დაქვემდებარებული სსიპ - ჯანმრთელობის ეროვნული სააგენტო (შემდგომში - განმახორციელებელი) უზრუნველყოფს ცენტრალიზებულად შესყიდული მედიკამენტის მიღებას და დასაწყობებას ქვეყნის მასშტაბით შემდეგი პრინციპით:

ა.ა) მედიკამენტების გარკვეული მარაგი განთავსდება სამინისტროს სახელმწიფო კონტროლს დაქვემდებარებულ სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში - ცენტრი) საცავში;

ა.ბ) მედიკამენტების გარკვეული მარაგი განაწილდება N2 დანართით განსაზღვრულ სამედიცინო დაწესებულებებში:

ა.ბ.ა) აღნიშნულ დაწესებულებებში მედიკამენტის მარაგის შევსება მოხდება მოთხოვნის შესაბამისად, ამასთან, განმახორციელებლის შეხედულებისამებრ, საცავში არსებული მარაგების გათვალისწინებით;

ა.ბ.ბ) N2 დანართით განსაზღვრული სამედიცინო დაწესებულება, განმახორციელებლის მითითების შესაბამისად, უზრუნველყოფს მედიკამენტის გადაცემას ახალი კორონავირუსული დაავადების COVID-19-ის მართვაში ჩართული იმ სამედიცინო დაწესებულებებისთვის, რომლებიც განმახორციელებელთან მოთხოვნას დააფიქსირებენ წერილობითი ფორმით.

ბ) ამ პუნქტის „ა.ბ“ ქვეპუნქტით განსაზღვრული სამედიცინო დაწესებულება ვალდებულია:

ბ.ა) გამოყოს მედიკამენტის საცავი სივრცე შესაბამისი დაცვით;

ბ.ბ) გამოყოს მედიკამენტის აღრიცხვასა და გაცემაზე პასუხისმგებელი პირი;

ბ.გ) უზრუნველყოს მედიკამენტის რაოდენობრივი აღრიცხვა სპეციალურ ჟურნალში (ჟურნალის ფორმა მტკიცდება განმახორციელებლის მიერ);

ბ.დ) უზრუნველყოს განმახორციელებლისთვის დადგენილი წესით მედიკამენტის ხარჯვისა და ბრუნვის შესახებ ინფორმაციის მიწოდება (მიწოდების ვადებს და ფორმას ამტკიცებს პროგრამის განმახორციელებელი).

გ) ამ პუნქტის „ა.ბ“ ქვეპუნქტით განსაზღვრული სამედიცინო დაწესებულებებიდან პაციენტისათვის მედიკამენტის მიწოდების წესი:

გ.ა) მედიკამენტის დანიშვნას, ამ ბრძანების პირველი პუნქტით დამტკიცებული გზამკვლევის (დანართი N1) შესაბამისად, უზრუნველყოფს:

გ.ა.ა) COVID-19-ის დადასტურებული შემთხვევების ბინაზე დისტანციურ მართვაში ჩართული ონლაინ-კლინიკის/დაზღვევის ექიმი, რომელიც პაციენტის დანიშნულებას ასახავს საქართველოს შინაგან საქმეთა სამინისტროს მმართველობის სფეროში მოქმედი სსიპ - საზოგადოებრივი უსაფრთხოების მართვის ცენტრი - „112“-ის (შემდგომ ტექსტსა და დანართებში - „112“) პროგრამული უზრუნველყოფის ბაზაში;

გ.ა.ბ) COVID-19-ის დადასტურებული შემთხვევების მართვაში ჩართული ექიმი.

გ.ბ) პაციენტისთვის მედიკამენტის მიწოდებას ახორციელებს:

გ.ბ.ა) ამ პუნქტის „ა.ბ“ ქვეპუნქტით განსაზღვრული სამედიცინო დაწესებულება;

გ.ბ.ბ) ა(ა)იპ – საქართველოს სამედიცინო ჰოლდინგი (შემდგომში - ჰოლდინგი).

გ.გ) ამ პუნქტის „გ.ბ“ ქვეპუნქტით განსაზღვრული ღონისძიების განხორციელების მიზნით:

გ.გ.ა) ამ პუნქტის „ა.ბ“ ქვეპუნქტით განსაზღვრული სამედიცინო დაწესებულებები პაციენტისთვის მედიკამენტის მიწოდებისთვის უზრუნველყოფენ მედიკამენტის დარიგებაზე პასუხისმგებელი პირების - ექიმის/ექთნის (შემდგომში - პასუხისმგებელი პირი) გამოყოფას;

გ.გ.ბ) ჰოლდინგის მიერ პაციენტისთვის მედიკამენტის მიწოდებისთვის:

გ.გ.ბ.ა) ამ პუნქტის „გ.ა“ ქვეპუნქტით განსაზღვრული COVID-19-ის დადასტურებული შემთხვევების ბინაზე დისტანციურ მართვაში ჩართული ონლაინ-კლინიკის/დაზღვევის/COVID-19-ის დადასტურებული შემთხვევების მართვაში ჩართული ექიმი აწვდის ინფორმაციას ჰოლდინგის ცენტრალურ ონლაინკლინიკას (შემდგომში - „1522“) ელექტრონული ფოსტის (drug.onlineclinic@moh.gov.ge) საშუალებით, N4 დანართის შესაბამისად;

გ.გ.ბ.ბ) „1522“ ყოველი დღის ბოლოს ახორციელებს ონლაინ-კლინიკის/დაზღვევის/ COVID-19-ის დადასტურებული შემთხვევების მართვაში ჩართული ექიმისგან ელექტრონული ფოსტით მიღებული ინფორმაციის დაჯგუფებას და აწვდის ინფორმაციას, ტერიტორიული პრინციპით, ამ პუნქტის „ა.ბ“ ქვეპუნქტით განსაზღვრულ სამედიცინო დაწესებულებებს N4 დანართის შესაბამისად;

გ.გ.ბ.გ) ჰოლდინგი უზრუნველყოფს:

გ.გ.ბ.გ.ა) შესაბამისი ტრანსპორტის ორგანიზებას;

გ.გ.ბ.გ.ბ) მედიკამენტის დარიგებაზე პასუხისმგებელი პირების - ექიმის/ექთნის (შემდგომში - პასუხისმგებელი პირი) გამოყოფას ჰოლდინგის დირექტორის ბრძანების საფუძველზე.

გ.დ) ამ პუნქტის „ა.ბ“ ქვეპუნქტით განსაზღვრული სამედიცინო დაწესებულებიდან ჰოლდინგის მიერ განსაზღვრულ პასუხისმგებელ პირზე მედიკამენტის გაცემა ხორციელდება დღეში ერთხელ, 1522-ის მიერ მოწოდებული ცხრილის შესაბამისად;

გ.ე) მედიკამენტის გაცემასთან ერთად ამ პუნქტის „ა.ბ“ ქვეპუნქტით განსაზღვრული სამედიცინო დაწესებულება უზრუნველყოფს პასუხისმგებელი პირისთვის კონკრეტულ პაციენტთან გასაფორმებელი მიღება-ჩაბარების ფორმების (2 ეგზემპლარი თითო პირზე) გადაცემას;

გ.ვ) პაციენტზე გაიცემა მედიკამენტის ხუთი დღის სამყოფი ოდენობა (5 ფირფიტა);

გ.ზ) მედიკამენტის პაციენტზე გადაცემისას პასუხისმგებელი პირი და პაციენტი აფიქსირებენ ხელმოწერას მიღება-ჩაბარების ფორმებზე, საიდანაც ერთი რჩება პაციენტს, ხოლო მეორე პასუხისმგებელ პირს. მედიკამენტთან ერთად პაციენტს გადაეცემა საინფორმაციო ფურცელი (დანართი N3) მედიკამენტის გამოყენების თაობაზე;

გ.თ) პირველი დღის პირველ დოზას პაციენტი იღებს პასუხისმგებელი პირის მეთვალყურეობის ქვეშ, რომელიც პირველი ვიზიტის დროს დეტალურად უხსნის პაციენტს და/ან მის მომვლელს/ოჯახის წევრს მედიკამენტის მიღების ინსტრუქციას და პირველი დოზის მიღების შემდეგ პაციენტთან რჩება 15 წთ-ის განმავლობაში;

გ.ი) დანარჩენი დოზების მიღების დღეებში (პერიოდში) პაციენტს ყოველი დოზის მიღებამდე უკავშირდება ონლაინ-კლინიკის/დაზღვევის/ COVID-19-ის დადასტურებული შემთხვევების მართვაში ჩართული ექიმი ან ექთანი, რომელიც ახსენებს პაციენტს დოზის მიღების თაობაზე და ასევე ელოდება დასტურს, რომ პაციენტმა მიიღო შესაბამისი დოზა;

გ.კ) ონლაინ-კლინიკის/დაზღვევის/COVID-19-ის დადასტურებული შემთხვევების მართვაში ჩართული ექიმი ახორციელებს, ერთიან ფორმატში, ცალკეულ პაციენტზე მედიკამენტების მიღების პროცესის (სატელეფონო გადამოწმების საფუძველზე) და მედიკამენტის მიღების შემდეგ გამოვლენილი გვერდითი მოვლენების აღრიცხვას, დააფიქსირებს შესაძლო პრობლემებს, პაციენტებზე შესაბამისი ინფორმაციის მოგროვების/მიდევნების მიზნებისთვის;

გ.ლ) გვერდითი მოვლენების შესახებ ინფორმაცია ყოველდღიურად, დადგენილი ფორმის შესაბამისად, ელექტრონული ფოსტით (reporting@moh.gov.ge) მიეწოდება სამინისტროს სახელმწიფო კონტროლს დაქვემდებარებულ სსიპ - სამედიცინო საქმიანობის სახელმწიფო რეგულირების სააგენტოს - მედიკამენტის გვერდითი მოვლენების ანგარიშგებაზე პასუხისმგებელ პირს, რომელიც უზრუნველყოფს ინფორმაციის დაჯგუფებას და მოთხოვნილი წესის შესაბამისად მწარმოებლისთვის მიწოდებას;

გ.მ) პაციენტის გარდაცვალების ან მკურნალობის შეწყვეტის შემთხვევაში, მედიკამენტი ექვემდებარება დაბრუნებას, რასაც უზრუნველყოფს ჰოლდინგი. მობრუნებული მედიკამენტები ჰოლდინგის მიერ გადაეცემა განმახორციელებელს, განმახორციელებლის მიერ დადგენილი წესის შესაბამისად.

დ) მედიკამენტთან დაკავშირებული დამატებითი შეკითხვების შემთხვევაში პაციენტმა უნდა მიმართოს მკურნალ ექიმს ან დაუკავშირდეს 1522-ს.“.

2. ბრძანება ძალაშია ხელმოწერისთანავე და გავრცელდეს 2022 წლის 15 ივლისიდან წარმოშობილ ურთიერთობებზე.

მინისტრი
ზურაბ აზარაშვილი

ხელმოწერილია/
შტამგადასმულია
ელექტრონულად

